The background of the entire page is a complex marbled paper pattern. It features swirling, organic shapes in shades of green, brown, and tan, creating a textured, almost topographical appearance. The colors are intermingled in a way that suggests natural stone or organic growth.

G
389^a
322

No. [★]Y,389 A.322



Charlotte Harris Fund



Digitized by the Internet Archive
in 2017 with funding from
Boston Public Library

ADVERSVS EXECRABL
LEM ANTICHRISTI
BVLLAM, MAR.
LVTHERVVS.



VVITTEMBERGAE.


ANNO, M. D. XX.

G389a322

Ch. Harris
July 15, 1937
KK

MARTINVS LVTHERVS CHRISTIANO LECTORI,

Gratiam Christi in salutem aeternam optat.



AMA peruenit ad me, Christiane Lector, Exiisse Bullam quandam aduersum me, pene in omnē terram, priusquam ad me, in quem unice furit, & cui maxime erat inferenda, ueniret. Forte, quod noctis & tenebrarū scilicet filia, timuit lucem uultus mei. Hanc tamen ipsam noctuam, uix tandē multū adiuuātibus amicis, in imagine sua, datū est uidere. Quæ causa est, ut adhuc incertus esse cogar, ludant ne in me Papiſtæ mei, libello quodā famoſo, & anonymo, an serio & uere ſic Romæ inſaniant. Neq̃ enim hic ſtilus (ut dicitur) neq̃ proceſſus, Romanæ curiæ ſeruatus eſt, tum quod maxime urget, Articulos & imponit, & damnat, plane ac manifeſte Chriſtianiſſimos, ut mihi omniū ueriſimillimum ſit, hanc prolem eſſe monſtri illius Iohannis Eccii, hominis ex mendacijs, ſimulationibus, erroribus, hæreſibusq̃ confuſi, & confuſi.

Augēt ſuſpicionem, quod idem Eccius, talis Bullæ Apoſtoliſ fuiſſe dicitur Romanus. Neq̃ enim tali Apoſtolatu dignior ullus Apoſtolus. Atq̃ ſuperioribus diebus audieram, parturiri in urbe, cōtra me Bullam quandā, diram & ſæuam, eodem coartifice Eccio, id quod ſtilus & ſaliua indicant. ſed quæ illic bonis & eruditjs quibufq̃ uiris ſumme diſpliceret, eoq̃ differretur, immo opprimeretur.

Verum, quicquid ſit, mihi incredibile non eſt, ubi Apoſtolus Eccius auditur & ualet, ibi Antichriſti regnum eſſe, & nihil non inſaniarum homines audere. Interim tamen agam, ne credam, Leonem decimum Romanum Epiſcopum, cum ſuis eruditjs Cardinalibus, eſſe harum inſaniarum autores, quod non tam facio, ut Romani nominis honorem cuſtodiam, quā ne ſuperbia nimis inſlet, & dignus mihi uidear, talia tam pulchra, tam glorioſa pati pro ueritate dei. Si enim uere Ro. Epiſcopus in me ſic inſaniret, quis Luthero coram deo ſœlitioreſſet, qui ob tam manifeſtam ueritatem a tanto uertice damnaretur? Quid enim hic optandū mihi foret, quā ut nunquā abſolueret, reconciliaret, cōmunicaret Antichriſto

isti indoctissimo, impiissimo, furiosissimo? *Fœlix illa dies, fœlix illa mors, cum gaudio & summa gratitudine deo referenda, si quādo fiat, ut in ista causa me apprehēdat & perdat. Sed aliis des huius nominis honorem, & dignū quærīt ista causa martyrem. Ego peccatis meis alia meritis sum.*

Existimationē igitur suam quisq; habeat de Romanis, Ego, quisquis fuerit huius Bullæ author, eum pro Antichristo habeo, & contra Antichristum hæc scribo, redempturus ueritatem Christi, quod in me fuerit, quā ille extinguere conatur. Atq; primum, ut nihil in me obtineat ex omnibus quæ uoluit. Protestor coram deo & domino nostro Ihesu Christo, & sanctis angelis eius, & toto mundo, me dissentire toto corde, damnationi huius Bullæ, quā & maledico, & execror, uelut hostem sacrilegam & blasphemiam Christi filii dei & domini nostri, Amen. Deinde, assero & amplector, fidutia tota spiritus mei, articulos per eam damnatos, asserendosq; pronuncio omnibus Christianis, sub poena eternæ maledictionis & Antichristos habendos, quicumq; Bullæ consenserint, quos & his scriptis, coniuncto mihi omnium spiritu, qui pure Christum cognoscunt & colunt, pro ethnicis habeo & deuito, secundū præceptū eiusdē dñi nostri Ihesu Christi, Amen. Hæc mea reuocatio esto o Bulla, uere bullarū filia.

Hac mea confessione seu protestatione facta, cuius testes esse uolo omnes, qui hæc legerint, antequā ad defendendos declarandosq; articulos procedam, aliquot argumentis in ipsam Bullā confutandam, præludere libuit, quorum primū ab inscitia Antichristi huius sumam. Apostolus enim Petrus mādāt, ut de ea, quæ in nobis est, fide & spe, rationem reddere parati simus. Et Paulus Episcopum iubet esse potentem exhortari in doctrina sana, & contradicentes redarguere. Atq; hæc ipsa sunt, quæ iam in tertium annū, efflagitauī & expectauī e Roma, aut iis, qui Romā sapiunt. Quæ & obseruata legimus in antiquis patribus diligentissime, quoties hæreses damnaverint, Sed nec Apostoli quippiā in suis Conciliis statuerunt, nisi al legata primū scriptura sancta. Ita & ego cū expectarem ut facerent uuas, scripturæ testimoniis me erudituri, ecce fecerunt labruscas, suis uerbis nudis me condēnantes, cū tot ego scripturis mea munierim.

Rogo te Antichriste indoctissime, adeo ne cōiunxisti, cū summa inscitia, summā temeritatē, ut præsumeres oēs homines esse in stuporem uersos, & te nudis tuis uerbis contra armatissimā scripturam

triūphare credituros? An didicisti hunc morem damnandū a Magi-
stralitatibus Colonienſi & Louanienſi?

Si hoc eſt Eccleſiaſtice dānare errores, tantū dicere, nō placet, nego,
nō uolo, quis morio? quis aſinus? quæ talpa? quis ſtipes? nō queat
damnare? Non pudeſcit frons tua meretricia, ut ſic in publico Ec-
cleſiaſtico audeas, inanibus inermibuſq; uerborū tuorū fumis cō-
radicere cœleſtiū uerborū fulminib⁹? Plane, dedecoroſam & dignā
Antichriſto cōdemnationē, quæ tot ſcripturis ſibi repugnātibus, ne
iota quidē habet, quod opponat, ſed unico uerbo occurrit dicens,
Ego damno. Quur Turcæ nō credimus? Cur Iudæos nō admitti-
mus? Cur hæreticos nō honoramus? qui & ipſi noſtra damnāt, ſi
ſufficit damnare? Niſi ideo nō eis cædimus, quia nō ſine ſcripturis &
rationibus nos damnāt. Ipſi uero more nouo, ſine ſcripturis & ra-
tionibus dānamus. Quid ergo in cauſa fuiſſe arbitrer, ut hæc dāna-
toria Bulla, ſic inanis & inermis, & uere bulla incederet, niſi inſignē
inſcitia, qua cū mea uera eſſe uidiſſent, & tamen pati nollent, nec
confutare poſſent, tentauerūt uano terriſculo perditæ papyri
me terrere. Sed Lutherus bellis aſſuetus, bullis nō terretur, & inter in-
anem papyrū, ac omnipotens uerbū dei diſtinguere didicit.

Eiuſdē inſcitia & illud eſt, q̄ uexante conſcientia, nō ſunt auſi ar-
ticulos nominatim digerere, quoſq; in ordines ſuos. Timuerūt enī
ne hæreticū aſſerent, quē nec erroneū forte nec ſcandalolum, po-
ſſent oſtendere, Proinde, inuenerunt ad uerbium, reſpectiue, & poſt
enumeratos articulos dicunt, alios reſpectiue hæreticos, alios erro-
neos, alios ſcandaloloſos, quod eſt dicere, Nos putamus aliquos eſſe
hæreticos, alios erroneos, alios ſcādaloſos, Sed neſcimus, qui, qua-
les, quanti. O meticuloſa ignorātia, quā lubrica & fugitiua eſ, quā
odis lucē, ut uertis ac reuertis om̄ia, ne capiariſ ſicut Protheus quidā,
nec ſic tamē euades, immo in aſtutia tua magis cōprehēderiſ & ſub-
uerteriſ. Prodi itaq; indoctiſſime Antichriſte, doce nos ſapientia tuā,
diſtribue tua ipſius uerba, dic ſi noſti tuipſe, quid dixeris, oſtende,
quiſ ſit hæreticus, quiſ uero erroneus, quiſ ſcādaloſus, & quiſ ſit qua-
liſcūq;. Decet enī tam magnificū damnatorē noſſe, quid damnet,
turpiſſimum autem ſit, damnare articulum hæreticum, & eundem
non poſſe nominare. Nolo tantū reſpectiue, ſed absolute & certe do-
ceri. Sum enī Occanicae factionis, qui reſpectus cōtinent, oīa autē
absolute habēt, ut ſic iocer in iſtam Moriam, Vide ergo mi lector,

*ſuſcepit
miles & ad
noſtre*

Insignem inscitiam Antichristianam, quā infœlici dolo, se occulta re præsumsit, sub aduerbio, respectiue. Non solum enim nō docet ueritatem, & causam damnationis, sed nec errorem monstrare audet, nec hoc ipsum indicare, quod damnat, & tamen damnat. Nōne lautissima damnatio, damnare, & nescire quid damnes? Nonne diseraissima oratio, loqui & nescire quid loquaris? Quin anticyras integras his bullatis morionibus optamus? Sic sapere & facere debent omnes ueritatis aduersarii.

Sed scio quis dolor Iunonem istā præmat. Nempe, Eccius meus memor, quā Lipsiæ pudefactus sit, dum me ob articulos huius, spiritum mantibus labiis, sat plausibiliter theatro suo, hæreticum tercenties clamaret furiosa uoce, & id ipsum postea probare non posset, cum Constantienī damnatio, a me adducta præter spem Eccii, nullum certum articulum signasset hæreticum, sed & ipsa, similis huic nostræ, præ sua quoq; inscitia, alios hæreticos, alios erroneos, alios offensiuos dixisset. & Eccius his auditis, turpissima temeritate in se met confusus, falso & mendaciter me hæreticum a se clamatum sentiret, uoluit Romæ huic uulneri suo mederi, & mendacium temeritatis suæ stabilire. Sed nō proficiet, prohibete Christo, mendax Sophista. Expostulo enim adhuc, ut absolute, non respectiue, distinscte, non confuse, certe, non simulanter, clare, non obscure, singulariter, non in genere, dicant, quis sit, & quis non sit hæreticus; Sed quando hæc facient? Quando Christus & Belial conuenient, aut lux & tenebre sociabuntur.

Quid ergo faciam ego interim? Primū, meticulosissimos & indoctissimos Papistas, Antichristiq; Apostolos cōtemnam, illudāq; eis cum Helia & dicam. Si Baal deus est, respondeat, forte ebrius est, aut in itinere, clamate uoce maiori, deus enim est, forte audit. Quid enim aliud Bullati isti asini mereantur, qui damnant id, quod nesciunt, & nescire se fatentur? Deinde securus ero, nec hæreticus, nec erroneus, nec scandalosus habendus, donec, si non conuictū, tamen simpliciter & nudis uerbis mōstratū fuerit, in quo articulo talis sim. Neq; enim iā onero Papistas meos stipites istos, ut probent, sed ut monstrent saltē errorem, hoc est, ut ostendāt, an sciant, quid lallent ipsi met, suāue salinā sentiāt. Dū enim nullū designāt hæreticū, mei arbitriū est, quēuis oblatū negare hæreticū, & asserere catholicum.

Sed & hanc ruditatem ferme asinina rudioem, quis non faucat Antichristo impiissimo & rudissimo? Quod optimi homines, discernunt hæreticos ab erroneis, & hos ab offensiuis, hos a scandalosis. Quæ acutissima acutissimorum hominum distinctione, colligimus, Erroneum non esse hæreticum, Quod autem hæreticum non est, quid ad damnatores Ecclesiasticos, qui solum hæretica damnare debent? Nam, quod hæreticum non est, catholicum est, Christo dicente, Qui non est contra uos, pro uobis est. Immo uellem dari mihi ab istis uiris magnificis, Articulum erroneum, in Ecclesia, qui non sit hæreticus? Si enim erroneus est, nihil differt ab hæretico, nisi pertinacia asserentis. Omnia enim equaliter, aut uera aut falsa sunt, licet affectus in uno aliquo uero aut falso, maior & minor esse possit. Vides ergo iterum Bullatos meos, non posse articulum mihi monstrare, qui erroneus sit, & non hæreticus, & iterum lallare sicut furiosos, qui nesciunt quid dicant, damnantes in uentum. Erroneum non hæreticum, qui non possit esse in rebus, neque uerbis, ut quales sunt articuli, talis sit & damnatio.

Par sapientia est, scandalosum esse, qui nec sit hæreticus, nec erroneus. Detur obsecro ille, non modo in meis, sed in omnium hominum uerbis & scriptis, ab initio mundi usque in finem. Quis ergo hac portenta cogitare coegit Papistas meos, nisi inscitia furiosa? Nisi forte scandalosos appellant, quo modo, ueri & catholici sunt scandalosi. Nihil enim est scandalosius ueritate, immo sola ueritas est scandalosa, superbis & insensatis. Sicut de Christo. i. Corint. i. dicitur, Nos prædicamus Christum crucifixum, Judæis scandalum, gentibus stulticiam. Et Luce. ii. Positus est hic in ruinam, & resurrectionem multorum in Israel. Quare, cum Papistæ mei, scandalosos secernant ab hæreticis & erroneis. Quod autem hæreticum & erroneum non est, id catholicum & uerum esse necesse sit. Sequitur, articulos scandalosos, ab eis intelligi & damnari catholicos & ueros. O digna damnatio Papistis. Vide mi lector, quorsum sese rotat impietas cæca, quam seipsam irridet & illudit, quæ facile capis in suis uerbis, quæ imprudens & stulta sit in omnibus suis studiis, non solum non probat errorem & scandalum, sed pro eo, ut mostret solum, impossibilia & sibi turpissime pugnantia loquitur. Vbi nunc tuum infelix respectiue infelicissima tula? quo respexisti? in barathrum impietatis scilicet & ruditatis tuæ.

Idem dicendū erit de offēsiuis, nam hos neq; scandalosos, neq; erroneos, neq; h̄reticos esse oportet, cū tantis Papistis discernatur. Quis ergo non miretur tanta ingenia Papistarū, qui inuenire potuerunt, offēsiuū esse in Ecclesia, quod tamen nec falsum, nec h̄reticū, nec scandalosum, sed uerum, Catholicum, edificatoriū sit, & tamen hoc ipsum damnant? Quis uero non ambiat etiā ab iis insanis damnari, qui sua propria damnatione ostendūt se damnata probare, & probata damnare? hoc est, truncis & cautibus sese insensatores esse, palam cū summa sua ignominia cōmonstrant. Ite ergo uos impii & insensati Papistæ, & sobrii scribite, si quid scribere uultis. nam hanc Bullam apparet, uel inter putanas nocturno conuiuiο esse egestam, aut in canicularibus furiis cōfusam. Neq; enim ulli moriones sic insanirent.

Retorqueamus autē imprudentiam istam Antichristi in os eius, & ex sermonibus ipsiusmet iudicemus & condemnemus eum, ut deinceps discat astutius & meliore memoria mentiri. Oportet enim mendacē esse memorem, iuxta prouerbiū. Si alii sunt articuli offēsiui & alii h̄retici, & tu eum damnas, qui non est h̄reticus, ac per hoc uerus & catholicus, etiam si sit sexcenties offēsiuus, nonne impudens os tuum damnat seipsum, non modo h̄reseos, sed extremæ impietatis & blasphemiæ, læq; maiestatis in ueritatem diuinā. ostenditq; uere te eū esse hominem, qui aduersatur & extollitur super omne quod dicitur, aut quod colitur deus? Nōne tu es homo ille peccati & filius perditionis, qui negat deū, emptorem suum, & charitatem ueritatis tollit, ut operationem erroris sui statuatur, quo credamus iniquitati, ut Paulus prædixit? Si enim articulus h̄reticus non est, non potest esse offēsiuus aut scandalosus, nisi h̄reticis Antichristis & Satanis pietatis. Vide ergo, quā pulchre Bulla ista omniū impudentissima imprudentissimāq; dum in me aliud h̄reticum, aliud offēsiuū damnat, autores suos ueros h̄reticos & aduersarios dei palam declarat, adeo non est scientia, non est consilium contra dominū, adeo impietas cæca capitur uerbis oris sui, adeo uerū est, qui iacit lapidē in altū, recidet super caput eius.


Et quod omniū pulcherrimū est, hac impia contradictione sua, reuelantur cogitationes cordiū eorum, & nequitia suā, quā uolunt maxime celatam, maxime produnt, incredibili imprudentia. Esse

fellicet eos paratos, semel uniuersam ueritatem damnare, cum enim hæreticos asserant, quos hereticos ostendere aut nominare nō possunt, nec sciunt, nec audent. Quid hinc intelligimus, nisi esse eos toto corde aduersarios Christi, & paratos damnare omnē ueritatē & tamen infœlici hypocrisi, fingunt sese damnare hæreses. En uobis, o Bullares asini, discite tandem, quid sit, Christum esse signū contradictionis & petram scandali, quā subito & facili negotio, denudata est omnis interior impietas & ignominia uestra, eis ipsis uerborum operculis, quibus eam cōtegere frustra studuistis. Habemus itaq; hoc primo & euidenti argumento, Bullam hanc non esse, nisi Antichristi, summi aduersarii dei & pietatis. Agnoscat nunc eam, si audet, siue Eccius, siue Papa, & sciet, quo nomine, & qua opinione sit nobis obseruandus. In unū enim cumulū, hic omnia pessima nomina cōuenerunt. Impietas, blasphemia, inſcitia, imprudētia, hypocrisis, mendaciū. Breuiter, Satanus ipse cum suo Antichristo.


Nec minus reuelat impietas ista seipsam, & eo quod nunc dicam. Decernit enim Bulla ista eximia, apertis impudentissimisq; uerbis, Esse exurendos etiā eos libellos meos, in quibus errores non sunt, ut memoria mei penitus tollatur. Potes nunc Christiane lector, dubitare infernalem draconem sonare per bullam istam? Vulgo dicitur, Asinū ideo male cantare, quia aliū orditur, & ista quoq; bulla foelicius cecinisset, si non blasphemū os suum in cœlū posuisset, impudenti plusquā diabolica impietate, ueritatem etiā confessam & probatam damnatura. Hactenus enim Satanus ueritatē sub specie ueritatis oppressit, quoties oppressit. At hic homo peccati, aduersarius & eleuatus supra deum, posita specie, apertaq; fronte, idq; in Ecclesia dei absq; timore, ueritatem Christianam & cognitā & probatam a seipso & omnibus, damnat & exuri mandat. Quid si hæc in Turcia fieret? Quo loco hæc uox rogo digna, nisi imo tartaro? Et non timetis Bullati uos Antichristi, ne saxa & ligna sanguinem fudent, præ horrendissimo hoc spectro impietatis uestre & blasphemie.

Vbi es nunc optime Carole Imperator? ubi estis Reges & principes Christiani? Christo dedistis nomen in baptismo, & has tartareas uoces Antichristi potestis ferre? Vbi estis Episcopi? ubi doctores? ubi quicunq; Christū confitemini? ad hæc horribilia Papistarū

*Indignatio
mōy p̄uip̄
ſet̄ p̄f̄m̄*

 portenta tacere potestis? Miseram Ecclesiam dei, factam Satanae, tantū ludibrium. Miseros omnes, qui his temporibus uiuūt. Venit, uenit ira dei in finem super Papistas, inimicos crucis Christi & ueritatis dei, ut resiliant & ipsi omnibus hominibus, prohibentes praedicari & doceri ueritatem, sicut de Iudæis dicit Paulus.

Finge quæso, me esse talem, qualem illa maledica & maledicta Bulla uideri cupit, hæreticum, erroneum, schismaticū, offensiui, scandalosum, in aliquot libellis. Quid meruere libelli, Catholici, Christiani, ueri, edificatorii, pacifici? Vbi didicistis hanc religionē Papistæ perditū, ut propter hominem malum, damnetis & exuratis sanctam castamq; dei ueritatem? Non potestis homines perdere, nisi & ueritatem perdatis? uos triticum euellitis cum Zizania & uos grana dispergitis cū palea? Cur Origenem suscipitis in libellis catholicis, & non in totum aboletis? immo, cur impiūissimū Aristotelem, in quo non nisi errores docentur, non saltem in parte damnatis? Cur impias, barbaras, indoctas, hæreticasq; Decretales Papæ, non exuritis? Cur inquā hæc non facitis, nisi quod non estis alia causa positi in locū istum sanctū, quā ut sitis abominatio a Daniele prædicta, quæ damnet ueritatem, statuatur uero mendacium & operationem erroris. Non enim alia decent sedem Antichristi.

*homo & creatura
cuius ipse dicitur*
 Te igitur Leo decime, uos domini Cardinales Romæ, & quicūq; Romæ aliquid estis, cōpello & in faciem uobis libere dico, Si uestro nomine, uestraq; scientia, hæc Bulla exiuit, eamq; uestram agnoscitis, Vtar & ego potestate mea, qua in Baptismo, per dei misericordiam, factus sum filius dei, & cohæres Christi, fundatus supra firmam petram, quæ nec portas inferi, nec cælum, nec terram formidet, & dico, moneo, hortor uos in domino, ut ad cor redeatis, istis diabolicis blasphemis, & plus ualde nimio audacibus impietatibus molimur ponatis, atq; id cito. Quod nisi feceritis, scitote, me cum omnibus, qui Christum colūt, uestram sedem, a Satana ipso possessam & oppressam, pro sede damnata Antichristi habere, cui non modo non obediāmus, aut subditi & concorporati esse uelimus, sed detestamur & execramur, sicut principem & summū hostem Christi, parati pro hac sententia nostra, stultas uestras censuras nō modo cum gaudio ferre, sed etiam rogare, ne unquā nos absoluat, aut inter uestros numeretis, quin ut cruentā uestā tyrannidē explicatis,

ad mortem nos ultro offerimus. Quod siquid spiritus Christi & im-
petus fidei nostræ ualeat, his scriptis, si perseueraueritis in furore isto,
uos damnamus, & una cum Bulla ista, omnibusq; Decretalibus Sa-
tanæ tradimus in interitū carnis, ut spiritus uester in die domini no-
biscum liberetur. In nomine, quem uos persequimini, Ihesu Chri-
sti domini nostri, Amen.

Viuit enim adhuc & regnat adhuc, in quo nō dubito, dominus
noster Ihesus Christus, quē & speramus propediē aduenturū & inter-
fecturū spiritu oris sui, & destructurū illustratione aduentus sui, hanc
hominē peccati & filiū perditionis, quandoquidē negare nō possu-
mus. Si Papa istorū portentorū autor est, ipsum esse, uerū illū fina-
lem, pessimū, famosumq; Antichristū, subuertentē orbem totum,
operationibus erroris sui, id quod impletū ubiq; uidemus.

Sed quo me rapit ardor fidei? Nondū totus persuasus sum, Pa-
pæ esse hanc Bullam, sed Apostoli illius impietatis Eccii, qui cum
suis patribus, furente hiatu, me absorbere festinat, cantās. Deglutia-
mus eū sicut infernus uiuentē, & integrū quasi descendentē in lacū.
Huic enim furioso homini parū imo lucrū uidetur, si ueritatem dei
extinguat, modo uota impietatis & fratricidii impleat. O sortē Ec-
clesiæ hodiernā, sanguineis lachrymis dignā, Sed quis gemitus no-
stros audit? quis plorātes solat? Inexorabilis est furor dñi super nos.

Addunt iidem homines, ut sunt admodū faceti & suauēs, quod-
dam ridiculū, quo pro sua prudentia temperant seria ludo. Scriben-
tes mihi super omnia, quæ in me contulerunt immensa studia, etiā
sumptū & pecuniā ad iter Romanū obtulisse. Scilicet, noua charitas
Romæ, quæ orbem exhaustit pecuniis, & uastauit tyrannide sua in-
tolerabili, mihi uni pecuniā offert. Verū, hoc inclytū mendaciū scio,
cuius fabri sit, Caietanus Cardinalis, ad mendacia cōponenda na-
tus & formatus, functus legatione sua foelicissima, nūc Romæ secu-
rus, fingit mihi per se promissam esse pecuniā, cū Augustæ, tam for-
dida infamiq; ageret penuria, ut crederetur familiā suam fame occi-
surus. Sed Bullam decet esse bullā, & ueritate & sapientia inanem. Et
damnatoribus istis ius est nobis mandare, ut esse ueraces eos creda-
mus, dū mentiūtur, & Catholicos, dū hæretica docent, & Christia-
nos, dū Antichristū statuūt, per illud distributiū uniuersale. Quod-
cunq; ligaueris, ubi cū nihil exceptū sit, omnia per omnia eis licent.

& non potius ex diabolo conceperint, qui non solum mentiuntur
manifeste, sed quod omnem impudentiam superat, mendacio eo-
dem sese ad plausum popularem in mei inuidiam ornant, & chari-
tatem sese mihi exhibuisse, altero iam mendatio fingūt, cum si quid
ueritatis, pietatis, grauitatis, Romanis istis tyrannis inesset reliquū,
omni studio cauere debuerint, omnia ita in luce clare ab eis dici &
geri, ut nec aduersarius suspicionem haurire mali cuiusquā possit. at
nunc si nihil esset aliorū, quæ Bullam istam eleuarent, hoc crassum
& ineptum mendacium, eam leuem, uanam, & falsam arguit. Ro-
ma quæso mihi pecunias exhiberet? Et unde illud, quod compertū
habeo, Esse uidelicet per Trapezitas istos (quod Bancum uocant)
definitos in Germania aliquot centenarios aureorum, Siccariis, qui
Lutherum conficerent? His enim rationibus & scripturis hodie pug-
nat, regnat, triumphat, sancta illa Apostolica sedes, magistra fidei
& mater Ecclesiarum, iam dudum Antichristiana, & bis septies hæ-
retica, conuicta, si gladio spiritus, quod est uerbum dei, pugnasset.
id quod non ignorat, ideo, ne quando ad id cogatur periculi, sic fa-
rit in orbe Christiano, bellis, cædibus, cruoribus, mortibus, uasta-
tionibus, omnia inuoluens & perdens, adhuc tamen sunt sanctissi-
mi in domino patres, & ouīū Christi uicarii, pastores.

Sed age, ut & ipse colludam, adhuc mittant pecuniam, fidem
enim seu conductum saluum, ne nimium eos grauem, libens refig-
no, cum non sit opus eo, modo propitia sit pecunia, tantū autem
expecto, quanta satis fuerit, ut. xx. milibus peditum, & v. milibus
equitum instructus, Romam tutus ire queam, qua arte mihi satis fi-
dei parabo, & hoc propter Romam, quæ deuorat habitatores suos,
nulla nec seruata, nec seruante fide, ubi sanctissimi patres occidunt,
dilectos filios suos, in charitate dei, fratresq; perdunt fratres, in ob-
sequium Christi, sicut est moris Romani atq; stili. Interim liber ero,
ab istius uenerabilissimæ Bullæ citatione. O uos infœlices nebulo-
nes, qui ueritate & conscientia sic estis confusi, ut nec mentiri pru-
denter possitis, nec uerum dicere audeatis, & tamen summa igno-
minia uestra quiescere non ualeatis.

Affert quoq; Bulla, nouam latinitatem. Cum enim Augustinus
dixisset, se Euangelio non crediturum fuisse, nisi autoritate Ecclesiæ
fuisset cōmotus. Mox Bulla ista Inclyta, hauc Ecclesiam catholicam

Trapeza. i. moneta
Trapezita om-
nis fides

Summi pœpiti
p. d. d. d. d. d.
p. d. d. d. d. d.
p. d. d. d. d. d.

facit, quosdam fratres reuerendis, Cardinales, priores ordinū regularium, Magistros Theologiæ, & doctores Iuris. Quorum consilio se natam gloriatur, scilicet nouā prolem uniuersalis Ecclesiæ, Fœlix certe partus, nouæ illius & hætenus inaudita Ecclesiæ Catholicæ, & quā Augustinus acerrimus sectarum insectator, si uideret, nō dubitaret, Synagogam Satane appellare. Vide ergo insaniam Papistarum, Ecclesia uniuersalis est, quidā pauci Cardinales, priores, & doctores, forte uix uiginti homines, cum possibile sit, nullum eorum esse membrū unius Capellæ uel altaris. Atq; cum Ecclesia sit cōmunio sanctorum, ut in symbolo oramus, sanctorum cōmunionē, id est, Ecclesia uniuersali exclusos esse oportet, quicumq; non fuerint, in numero istorum uiginti hominum. Vnde, quicquid ii senserint sancti uiri, id mox uniuersalis Ecclesia sentit, etiam si mendaces, hæretici, & Antichristi sunt, non nisi abominabilia sentientes.

Adeo ne Romæ insaniri, ullus credere potuisset? Est ne cerebri aut cordis eis reliquū quicquam? Augustinus de Ecclesia per orbem diffusa loquitur, Euangelium concorditer confitente. Neq; enim ullū alium librum deus uoluit tanta concordia orbis approbari, quanta sacram scripturam (ut idem in confess. suis dicit) ne schismatibus occasio fieret aliis subinde receptis, id quod impia sedes Ro. suis decretis quæsiuit, multis iam seculis, & heu magna ex parte confecit. Sed uniuersalis Ecclesia nondum ei consensit. Sunt enim in oriente, aquilone, & austro Christiani Euangelio contenti, nihil curantes, q; Roma ex seipsa particulari, uniuersalem Ecclesiam facere conatur, & cæteras schismaticas criminatur, cum ipsa sit prima, quæ se a tota separauit, & ad se totam rapere frustra molita est, princeps & fons omnium schismatum, hac tyrannide facta.

Nemo ergo speret, unquā fore, ut Ecclesia Catholica sapiat, quæ Bulla ista impia blatterat, cum nec ea, quæ uere est Romana, sic sapiat, nec continuo Catholicum habeat, quicquid Romanum esse constiterit. nullus (ut dixi) liber Catholicus ultra futurus est, sicut neq; fuit, præter scripturam sanctam. Romanæ Ecclesiæ abunde satis est gloriæ, partem esse paruam uniuersalis Ecclesiæ, suis statutis se ipsam uexantem. Curia potius Romanæ ista Bulla est, hanc enim Satanae sedem, decet, talis sapientia & religio. Ipsa est, quæ nititur uniuersalis Ecclesia haberi, & suas stultas & impias bullas, pro Catho

licis dogmatib⁹ toti orbi arrogatissime sed uanissime obtrudit. Cui⁹
superbia & temeritas eo creuit, ut de sola potestate præsumat, citra
omné doctrinā & sanctimoniā uitæ, de oibus statuere hominib⁹, eo-
rūq; dictis & factis, quasi ob solam potestatem aut sublimitatē spi-
ritus, habitaculum & Ecclesia Christi sit, cū hac ratione & Satanās,
cū sit princeps mūdi, aut Turca, Ecclesia Christi dici possit, Sed neq;
gentiū imperia potentes citra sapientiā & bonitatē ferūt. Tum in Ec-
clesia, solū spiritualis omnia iudicat, & a nemine iudicaf, ut. i. Corint.
ii. dicif, Nō utiq; solus Papa aut curia Romana, nisi spirituales sint.

pater se
Verum, uniuersæ eorum temeritati oppono cōstanter inuictum
Paulū, i. Corint. xiiii. Si alteri sedenti reuelatū fuerit, prior taceat.
Hic clare habes, Papam & quēuis aliū maiorem, debere tacere, si al-
teri inferiori in Ecclesia reuelatum aliquid fuerit. Hac ego autoritate
nixus, cōtempta Bullæ temeritate, cū fiducia articulos defendēdos
suscipio, nullius nudam damnationē tanti facturus, etiā si Papa sit
cū tota sua Ecclesia, nisi scripturis me erudierit.

QVORVM PRIMVS EST.

Hæretica est sententia sed usitata, Sacramenta nouæ legis gratiā
dare illis, qui non ponunt obicem.

Agnosco articulum meū, & quarto ex uobis - Egregii domini re-
spectiuiuistæ, qui alios respectiue hæreticos, alios erroneos, alios scan-
dalosos decreuistis. Quo respicit hic articulus? ad hæresim? ad erro-
rem? ad scandalū? aut quo uos respexistis, eū damnantes? ad scrip-
turā sanctā? ad sanctos patres? ad fidē? ad Ecclesiā? Quin dicitis? nec
dū enim uos probandi negotio molesto, sed indicandi solū debitū
expostulo, ut sciam quid desit mihi. Vultis infantes pueri, ut ego di-
cā? Dico ergo, Hic articulus respectus duos habet, Altero respicit ad
Papistas damnatores suos, inter quos uidet alios respectiue mulos,
alios equos, quibus non est intellectus, ut qui prorsus nihil intelligāt
& tamen omnia damnāt. Altero respicit ad sacrā scripturā, quæ docet
Rom. iiii. Omne quod nō est ex fide peccatū esse. Ex quo sequitur, sacra-
menta nouæ legis nō dare gratiā incredulis, cū incredulitas sit maxi-
mū peccatū, & obex crassissimus, sed solū credētibus. Sola enim fi-
des nō ponit obicē, cætera omnia sunt obex, etiā si obicem illū nō po-
nāt, quē sophistæ somniāt de actuali tantū proposito externi peccari
Confiteor ergo articulū nō esse meū solū, sed ueritatis catholicæ &

Christianæ. Bullā uero damnatricem eius, esse bis hæreticā, impiā, & blasphemā cū oñib⁹, qui eā sequūt, q̄ neglecto peccato incredulitas infantiūt, obicē tolli, si homo peccare desinat, etiā si nihil incredulus boni cogitet. Verū, hæc lati⁹ & in libellis meis probaui, & probabo, si Romani isti lallatores sua ausint aliqñ probare, me cōfutaturi.

SECUNDVS.

In puero post Baptismum negare remanens esse peccatum. Est Paulum & Christū simul conculcare.

Et hunc exigerem ut probarent recte damnari, si domini mei, præ respectibus suis, nō essent excusati, ut nec hoc perspicerent, quo nomine eū uelint damnatū haberi. Nescio enim hæreticus ne sit an eroneus, Et quid mirū? cū nec id damnatores eius sciant. Afferō ergo & hūc articulū, per Apostolū Ro. vii. Ego ipse mente serui legi dei & carne legi peccati. Hic aperte Apostolus ipsemet de se confitetur, peccare in carne seu peccato seruire. Et. i. Corint. i. Christus factus est nobis a deo, iustitia, sapientia, sanctificatio, & redēptio. Quomodo autē sanctificat sanctificatos? nisi quod iuxta Apoca. Qui sanctus est sanctificetur adhuc. At sanctificari est a peccatis mūdari. Verū, quid respectiui istis Bullatis & Paulo Apostolo? Ipsi sunt tota Ecclesia uniuersalis, quorū autoritate Paulus aut stat aut cadit, cū sit membrū & pars Ecclesiæ. Increpet dominus in te Satan, & in satanicos istos tuos Papistas.

TERTIVS.

Fomes peccati etiam si nullum affit actuale peccatum, moratur exeuntem a corpore animam, ab ingressu cœli.

De hac quidē re, nihil hætenus definiui, sed copiose satis & probabiliter disputauī, nec hodie certus sum, quid cū tali anīa agatur. At talpæ nostræ Papales, cum necdum uideant, quo nomine hic articulus eis sit dignus damnatu uisus. audent etiam asserere, quod tota Ecclesia uniuersalis ignorat. Ego tamen adhuc ista futili & stulta dānatione cōtempta, teneo articulū probabiliter esse uerū. Cū enim fomes sit peccatū uere, & ex Ro. vii. & Gal. v. probaui, & peccatū nō sinat intrare cœlū, sicut scriptū est, Nihil inquinatū intrabit, arbitror fomité peccati, remorari ingressum cœli. Neq; enī hic pili facio somnia eorū, quibus peccatū fomitis extenuantes, pœnam peccati & de sectuū uocant, cōtra apertas scripturas, quæ peccatū appellant, & per gratiā (quæ peccati uerū & non ficti medicina est) sanari docent.

QVARTVS.

Imperfecta Charitas morituri fert secū necessario magnū timorē, qui se solo satis est facere penā purgatorii, & impedit introitū regni.

Iste ex precedenti sequitur, quem æque non asserui, licet probabiliter uerū adhuc asseram, prius petita dispensatione, arbitrio meo proprio, etiā inuita Bulla, quæ aliā nō asserre probationē potest, nisi hanc, Nos sumus sublimiores in Ecclesia tyrānii, imo ipsa Ecclesia, ergo sumus doctissimi & sanctissimi, pleni spiritu sancto, nō potentes errare, etiā si omni spurcitia omniū criminum, omni incitia per orbē feteamus, ceu lerna quædā, Sed istis rationibus apud me nihil promouetur, promouetur autē corā illis, qui metuūt ne, si mea sententia obtineat, purgatoriū e manu Papæ dilabatur, tum defunctorū uexandorū (redimendorū uolui dicere) officia quæstuosissima, tanto damno accepto, Sacerdotes & religiosos ad famem adigant. Oportuit ergo Auaritiā hic uigilare, nec sinere, suas friuolas opiniones, sed turpilucrosissimas, ueritate superante, occidere.

QVINTVS.

Tres esse partes pœnitentiæ, Contritionem, Confessionē, Satisfactionem, non est fundatum in scriptura sacra, nec in antiquis sanctis Christianis doctoribus.

Hic articulus, quo respectu damnetur, satis intelligo, respectiuus enim est ad avaritiam. Quare, & probationē eorum respectiuā scio, quæ est talis. Si articulus esset uerus, tunc homines nihil darent pro satisfactione & indulgēciis, Nec haberemus eos amplius uexare, confessionibus, casibus reseruatis, restrictis, ampliatis, pro nostro lucro. Et sic pauperes fieremus, & cultus dei minueretur, in uigiliis & Missis, Sed cultū dei minui est impiū, Quare Lutherus est hæreticus, tenet consequentia, a respectu Bullæ, ad Papistas & e contra.

Te per dominum Iesum oro, si quis grauis & eruditus lector hæc legeris, mihi indulgeas, leuitatem & (ut sic dixerim) puerilitatem istam. Vides enim, cum iis hominibus mihi rem esse, qui bis pueri sunt, & tamē omniū uirorū heroas sese iactant. Dispeream, si nō cōpertissimū habeo, maximos & antesignanos duces populorū, hac (quā recitanti) plusquā septies stulta & ridicula ratiūcula motos, ad meorū libellorū damnationē. Ego nisi iram dei super nos fauientē flens intelligerē, quæ effeminatis pueris, & feci illi hominū, ultimæ ex omī terra, nos subiecit, præ indignitate rei dirumperer,

Mea sententia, fuit & est hæc, satisfactionem eam, quam clau-
surae tollere, non esse iuris diuini, sin esset, nõ posse eam tolli per
clauas. Si quid aliud mihi hoc articulo isti Bullatores imponunt,
suo more faciunt. Quid enim refert, si Antichristus mentiatur?

SEXTVS.

Contritio, quæ paratur, per discussionem, collectionem, & de-
testatione peccatorum, qua quis recogitat annos suos in amaritudi-
ne animæ suæ, ponderando peccatorum grauitatem, multitudinem,
fœditatē, amissionē æternæ beatitudinis, ac æternæ dānationis ac-
quisitionē. Hæc contritio facit hypocritā, immo magis peccatorē.

Proh incredibilem cecitatem & inscitiam Bullarū istarum, Meus
certe est articulus & Christianissimus, quem mihi innumerabilibus
Papis & Papistis, non patiar extorqueri. Hoc enim ea doctrina egi,
pœnitentiā nullius esse momenti, nisi in fide & charitate fieret, quod
ipsumet docent quoq; , nisi quod nec quid fides, nec quid charitas
sit, aut sciunt, aut docent. ideo, dum mea damnant, sua ipsorum
imprudenti contradictione, damnant. Dico ergo, qui pœniten-
tiā sic docet, ut promissæ misericordiæ dei, & fidei in eandem, non
maiores habeat curam, quā carnificinæ istius, hic pœnitentiā
Iudæ scariothis docet, pestilens est, diabolus animarum, & carnifex
conscientiarum. Lege autem libros illorū Sophistarum, de Pœni-
tentia, & uidebis eos nec promissionis, nec fidei ullam mentionem
facere. Has enim partes pœnitentiæ uiuas omittunt, & solis mortuis
contritionibus homines exagitant. Sed latius alias.

Sed quid denuo articulos omnes probem, cum extent libelli, ubi
omniū rationem reddidi abunde, plura daturus, si aduersarii sua
quoq; in lucem dedissent. Quæ est enim stultitia, ut hoc uno mihi
responsum uelint, quod dicunt, sibi damnata uideri omnia mea,
cum ego in hoc ipsum scripserim, ut suos errores ipsi agnoscerent,
quibus populum dei hætenus dementauerunt, non hoc expectaui,
ut damnarer, qui sciens & prudens, damnata iam olim ab eis, ad-
ductis scripturis & rationibus, iustificauit. Nec uolui, ut diceret, quid
ipsi saperent. Sciebam enim omnia, sed an recte saperent, id quæsi-
tum est a me, hic uolui erudiri; & ecce nemo audet prodire. Quare
uideo, asinos istos, non modo mea & sua non intelligere, sed præ-
insigni hebetudine, nec hoc percepisse, quid meis libellis quaesierim.

Contritio

no fames h. p.
p. p. p. p. p. p.
M. J. m. n. o. p. q. r. s. t. u. v. w. x. y. z.

Arbitratur enim se tales in opinione mea esse, apud quos sit ueritas, cum nihil minus de eis suspicatus sim. Cum enim olim ab eis omnia ista scirem damnata esse, non damnandus, sed uelut iam damnatus ab eis prodii, damnationem eorum traducturus, impiam & hæreticam & blasphemam, eosque nisi ratione reddita, recte sese sapere docuissent, erroris & hæreseos crimine publice reos acturus, ipsi uelut ridiculus Citharedus, chorda semper eadem aberrans, petito principio, aliud non reddunt, nisi damnamus, quæ damnauius, noua dialectica, probantes idem per seipsum, damnationem per damnationem. O ineptissimos & insulsißimos damnatores, ubi manet illud Petri, Semper parati ad reddendam rationem, de ea, quæ in uobis est, fide & spe?

18 p. 17
1 par 9
Quare, cum Papistæ & Bullistæ isti ignorantissimi, ante ueritatis manifestæ faciem, sic sint confusi metuque perculsi, ut pro se suaque sententia ne hiscere quidem audeant, & meticulosissimam hanc Bullam egre emutierint. Ego inimicorum fuga erectus, hanc meticolosam damnationem uice approbationis robustissimæ accepto, & suam in eos ipsos retorqueo damnationem. Qua enim ratione seipsum possent magis damnare, quam, dum metuunt erroris & hæreseos rei inueniri, si rationem reddere cogerentur, ad hoc extremum & frustraneum miserorum effugium labuntur, ut clausis & oculis & auribus, dicant, Nolo, damno, non audio, non admitto. Si ego sic insaniissem, obsecro, quanta gloria in me triumpharent? Degeneres animos timor arguit.

Ego itaque, ne prolixo lectorem grauem sermone, si singulos articulos prosequar, his scriptis testor, me omnia damnata per Bullam istam execrabilem, confiteri pro Catholicis dogmatibus, de quibus rationem reddidi editis libellis. Deinde, adhuc uolo libellos meos in orbe uagantes uice publicæ accusationis haberi, aduersus impios istos Sophistas populi dei seductores, ita, ut nisi ratione reddita me conuicerint & sua statuerint, reos, erroris, hæreseos, sacrilegii, quantum in me fuerit, mihi censeantur, monens, rogans, hortansque in domino, omnes qui Christum uere consententur, ab eorum peruersis & impiis doctrinis sibi caveant, & uerum illum Antichristum per eos in orbe regnare non dubitent. Quod si quis fraternum hoc monitorium meum contempserit, sciat me esse mundum a sanguine

ad hunc
non est
fuit
no

suo, & in extremo iudicio Christi excusati. Nihil enim omisi, quod
charitati Christianæ debui. Porro, si alia uia non queo damnatori-
bus uerbosis & inanibus resistere, Vltimum, quod habeo exponam,
Nempe, hanc animam, & hunc sanguinem. Melius est enim me
milies occidi, quam unam syllabam damnatorum articulorum re-
uocare. Et sicut ipsi me excōmanicāt pro sacrilega hæresi sua, ita eos
rursus ego excommunico, pro sancta ueritate dei, Christus Iudex
uiderit, utra excommunicatio apud eum ualeat, Amen.

for. Vltimo

dr. Legitimo

Jan. 1938
TWO years ago the Library acquired three first edition tracts by Martin Luther: *De Potestate Papae* and *De Captivitate Babylonica Ecclesiae* (described in MORE BOOKS for June 1935) and *Von der Winckelmesse und Pfaffen Weihe* (MORE BOOKS for May 1936). To these tracts the library has recently added four more — two Latin controversial ones which belong to the critical year 1520, and two sermons in German from the serener period of 1531-33.

In June 1520 Pope Leo X issued the bull *Exsurge, Domine* which banned Luther and commanded all his heretical books to be burned. The bull, however, did not everywhere inspire obedience or even respect. In Erfurt, for instance, the students threw it into the river. Luther himself published his answer, *Adversus Execrabilem Antichristi Bullam* [****G.389A.322**], in both Latin and German in the same year. He used irony as well as invective, denouncing the bull as "illa maledica & maledicta Bulla." Setting his hope, like a true German, on the recently crowned Emperor Charles V, who could not even speak the German tongue, the reformer exclaimed: "Where are you, excellent Emperor Charles? Where are the Christian princes? Can you who have dedicated yourself to Christ in baptism endure this hellish voice of Antichrist? Where are you Bishops, Doctors, all of you, who profess Christ?" The Pope, too, he addressed directly, in much less flattering terms. There has now come to the Library a copy of this Latin tract, a quarto of ten leaves printed at Wittenberg. The copy contains numerous marginal notes.

